

Sjedinjene Američke Države i Evropska unija su partneri od neprocjenjivog značaja za Bosnu i Hercegovinu



Sjedinjene Američke Države i Evropska unija su partneri od neprocjenjivog značaja za građane Bosne i Hercegovine u njihovim naporima da prevaziđu prepreke na putu ka potpunom poslijeratnom oporavku, rekao je visoki predstavnik Valentin Inzko tokom današnjeg sastanka s visokom predstavnicom za vanjske poslove i sigurnosnu politiku Evropske unije Catherine Ashton i državnom sekretarkom Sjedinjenih Američkih Država Hillary Clinton.

„Učešće u demokratskim procesima, odgovornost organa vlasti, vladavina zakona i temeljna ljudska prava svakoga građanina stubovi su poslijeratne obnove ove zemlje“, rekao je visoki predstavnik. „Evropska unija i Sjedinjene Američke Države imaju centralnu ulogu u podržavanju ovih vrijednosti, posebno u situacijama kada su one na udaru. Uvjeren sam da uz neprekidnu međunarodnu pomoć ovi principi mogu i hoće zaživjeti u Bosni i Hercegovini.“

Tokom sastanka, visoki predstavnik je naglasio da je Bosna i Hercegovina postizala solidan napredak u procesu uspostave održivih institucija, podizanju nivoa životnog standarda građana i napredujući na putu ka potpunoj evroatlantskoj

integraciji, te je rekao da se napredak opet može nastaviti onda kada „političari koji su okrenuti ka prošlosti“ prestanu s opstrukcijama. „Najbolja šansa za dugotrajnu stabilnost je u pristupu ‘duplog kolosijeka’ na putu ka EU/NATO-u“, rekao je visoki predstavnik.

Ističući tjesnu saradnju između OHR-a, Delegacije Evropske unije i Ambasade Sjedinjenih Američkih Država, visoki predstavnik Valentin Inzko je naglasio da je međunarodna zajednica najjača kada je jedinstvena.